

դուրս եկան, նա գրկոեցաւ հայր սուրբի հետ, համբուրեց նրա աջը: Երեւում էր, որ վանքի բազմաթիւ միաբանութիւնից մնացած այդ երկու ներկայացուցիչները հաշտ էին ապրում միմեանց հետ:

Արկղը տեղաւորեցին կառքի մէջ, ամենքը նստեցին, եւ կառապանը բռնեց Մուշի ճանապարհը:

Պարոնն Ասլանն էր, որ այժմ կոչւում էր բժշկապետ Սասունեան, իսկ բարձրահասակ ամերիկուհին նրա կինն էր: Նա այն հարուստ այրի կնոջ դուստրն էր, որ Նիւ-Եօրթում որդեգրեց Ասլանին, որի տանը ապրում էր նա իր ամբողջ ուսանողութեան ժամանակ: Այն ժամանակից սիրահարուեցաւ նա եւ խօսք տոեց պսակոել նրա հետ: Տարիներով միմեանցից անջատուելը չխախտեց նրանց սերը: Օրիորդը ուխտել էր՝ միշտ սպասել նրան, մինչեւ կը վերջացներ իր գործերը եւ կրկին կը վերադառնար Ամերիկա: Երբ վերջին անգամ Ասլանը գնաց Զնդկաստան, այնտեղ իր ընկերներից ստացած յանձնարարութիւնները կատարելուց յետոյ անցաւ Ամերիկա եւ պսակուեցաւ: Այժմ քաղաքային բժշկի պաշտօնով գնում էր Մուշ:

Մեր յիշատակարանը կատարուեցաւ որպէս մի նկարագիր, զանազան պատկերներով: Շատ անձնաւորութիւններ հանդիսացան եւ կրկին ծածկուեցան վարագոյրի ետեւում: Մենք առեցինք նրանց կեանքից եւ գործունեութիւնից յայտնի գծեր միայն: Եթէ բոլորի գործերը եւ նրանց գործունեութեան վախճանը լրիւ գրեինք, պետք է մի երրորդ հատոր եւս անելացնէինք: Ասլանով սկսեցինք մեր վերջին գիրքը եւ դարձեալ Ասլանով իջեցնում ենք վերջին պատկերի վարագոյրը: